



Co-funded by
the European Union



EUROPA
NOSTRA

TUSAGASSIUTINUT NALUNAARUT

Europa Kommission-ip aamma Europa Nostra-p Europami kulturikkut kingornussanik 2025-mi nersornaasiinermi ajugaasut nalunaarutigai

Bruxelles / Haag 12. Juni 2025

Ullumikkut [Europa Kommission](#)-ip aamma [Europa Nostra](#)-p **Europami kulturikkut kingornussanik 2025-mi nersornaasiinermi** ajugaasut nalunaarutigai, taakkulu EU-p [Creative Europe](#) Program-imit aamma aningaasaliiffiqarsimapput. Ukioq manna Europami kulturikkut kingornussanik nersornaatit ataqqinarnerpaat **ajugaasunut imaannaanngitsunut 30-nut nunavissuarmi nunanit 24-neersunit** tunniunneqarsimapput (ataani ajugaasut ilisaritinneqarnerat takujuk)

2025-mi ajugaasut nutaalorsinnaassusermik aamma isummanik nutaanik piviusunngortitsinaassusermik assersuutaapput, taakkulu Europami sumiiffinni assigiinngitsuniit kulturikkut kingornussarpassuit illersorniarlugit assigiinngissitaarnerisalu ataqatigiinnerisa anguniarnerannik takutitsisimapput. Ukioq manna nersornaasinerit **immikkoortut tallimat** akimorlugit arlalinnik pikkorilluinnartunik ajugaasortaqrput: Belgiami eqqumiitsulioriaaseq jugend atorlugu, assassorluni sulineq teknikkikkullu nutaaliorneq ataatsimoortillugit illoqarfiup ilisarnaataanik arajutsisassaangitsumik nutarterinermi; Norgemi ilisimatusarnikkut pilersaarut aqutissiuiseq, nunarsuarmi sersersuarni itsarnisarsiornermik nassaat affaannik qulaajaasumut; Slovakiame illut kingornussat piujuartitsineq tunngavigalugu aserfallatsaaliornissaat tapersersorniarlugu nutaaliorluni suliniuteqarnermit; Serbiame ilinniartitsinermit suliniut iluatsilluartoq, meeqqat ilinniartullu pilersitseqatigalugit meeqqanut taalliamik, kinguaarit akuleriissillugit oqaloqatigiinnermik aammalu peqataatitsinermit pilersitsisumut; Kalaallit Nunaannilu kulturikkut akersuaattumut, tassa illuliat kulturikkut kingornussat tammatsaaliornissaat anguniarlugu aalajangersimasumik anguniagaqarluni ilungersorluni tunniusimallunilu sulisumut.

Kulturikkut kingornussanik tapersersuisut soqutinginnittullu kina **2025-mi Public Choice Award-mik** 10.000 €-nik aningaasartallimmik pissarsissanersoq aalajangerniarlugu ajugaasunik paasisassarsiorinissaminnut internettilu atorlugu [qinersinissaminnut](#) maannakkut kajumissaarneqarput. Taasineq 12. septemberi tikillugu ingerlanneqassaaq.

Ajugaasut Nersornaasiinermik [aalajangiisartoqatigiinnit](#), Europa sinnerlugu kulturikkut paasisimasalinnik 11-nik inuttaqartumik, qinnuteqaatit qinersinermit atatillugu [ataatsimiititalianit](#) nalilersorneqareernerisa kingorna, toqqarneqarsimapput. Qinnuteqaateqarsinnaasut katillugit 251-nik amerlassuseqartut Europami nunanit 41-t aggersunit kattuffinnit inunnillu ataasiakkaanit ukioq manna nersornaasiinissamut nassiunneqarsimapput.

Glenn Micallef, kinguaariit akornanni naapertuilluassuseq, inuusuttut, kulturi aamma timersorneq pillugu EU-kommissæri oqarpoq: *"Europami kingornussanik nersornaasiinermi / Europa Nostra-nersornaasiinermi Europami qanoq kulturikkut kingornussat Europami qanoq pingaartigisumik erligineqartigineranik misigisimalernissatsinnik periarfissippaatigut. Ukioq manna ajugaasut kinguaariinni aggersuni kulturikkut kingornussarpassuagut illersorniarlugit aamma siuarsarniarlugit suliniutinik ingerlanneqartunik ersersitsipput. Ajugaasut imaannaanngitsumik angusaqarnerannik aammalu nalitoqisumik tapersiinerannik pilluaqquagut."*

Cecilia Bartoli, erinnanik qataatsunik operamik erinarsortartoq nunarsuarmi ilisimaneqarluartoq Europa Nostramilu siulittaasoq imatut oqarpoq: *"Europa Kommission-ip/Europa Nostra-p Europami kulturikkut kingornussanik*

nersornaasiinermi ukioq manna ajugaasut pisarnek naapertolugu nersornaatisinerannik qamannga pisumik pilluaqqvakka. Tamakku suliniutit isumalluarsaarisutut takutippaat, kulturikkut kingornussap Europami pitsaasumik allannortitsinerni qanoq sakkortugisimuk maligassiusuuneranik – qanigisami inuiaqatigiinni nukittorsaanermi, timikkut tarnikkullu nalerisimaanermik kaammattuineri, isumassarsiullaqqissusermik siuarsaanermi aningaasarsiornikkullu patajaallisaanermi. Kulturikkut kingornussat kinguaarit aamma killeqarfiit akimorlugit inunnik ataqatigiilersitsisarpaq. Ulluinnarni inuunitsinni pinnissusermik isumaqartitsinermillu pilersitsisarpaq, siunissallu piujuartitsinerup peqataatitsinerullu qanoq ilusilersornissaanik takutitsilluni.”

Ajugaasut **Europami Kulturikkut Kingornussanik 2025-mi Nersornaasiinermut** atatillugu nalliuttorsiornermi Bruxellimi Belgiami Flagey-mi, illorsuarmi art-deco ilisarnaatigalugu sananeqarsimasumi, **oktoberip 13-ni** nalliuttorsiotigineqassapput. Aaqqissuussineq tamanna pingaartinneqartorujussuaq EU-kommissærimit **Glenn Micallef**-imit aamma Europa Nostrap aqutsinermi pisortaanit, **Herman Parzinger**-imit peqataaffigineqassaaq. Nalliuttorsiornermi nersornaammik Grand-Prix-imik tunineqartut Public Choice Award-imillu (Inunnit Toqqarneqarsimasumut Nersornaat) ajugaasoq nalunaarutigineqassaaq, taakkulu Europami Kulturikkut Kingornussanik nersornaasiinermi ajugaasut akornanni toqqarneqarsimapput tamarmillu €10.000-nik akissarsisussaallutik. Kulturikkut kingornussat pillugit 2025-mi nalliuttorsiorneq [europamiut ataatsimeersuarneranni](#) pingaarnepaasusaaq, Bruxellimi oktoberip 12-init 14-inut ingerlanneqassaaq. Nunarsuarmi naalakkersuinikkut ajornartorsiornerup nalaani ataatsimeersuarneq EU’p siunissami kulturikkut sumut sammiveqarnissaata ersarissarnissaanut akuersaarneqarnerulernissaanullu kiisalu Europap siunissaanut atatillugu naalakkersuinikkut, inuiaqatigiinnut tunngasunut, avatangiisitigut aningaasarsiornikkullu kulturikkut kingornussap naleqassusianik soqutiginnersitsiniarnermik periarfissiisaaq. Ataatsimeersuarneq Europa Nostramit aqqissorneqassaaq EU-millu aamma aningaasaliffigineqassalluni.

Europami kulturikkut kingornussanik 2025-mi nersornaasiinermi ajugaasut¹

Immikkoortoq: Tammatsaaliuineq & atoqqiineq nalimmassarneqarsinnaasoq

[St. Mauritius-ip Oqaluffiata napasuliaata qalia, Spitz and der Donau, ØSTRIGI](#)

Spitz an der Donau-imi St. Mauritius-ip oqaluffiata qalianik ukiuni akullerni qalequtissianik assignngitsorpasuarunik qalipaatilinnik qallerneqarsimasup iluarsarneqarnerani Østrigimi ukiut akulliit naalernerata nalaani qalialarineqarsimasut sinneruttut kisiartaat isumannaarneqarpoq. Assassorluni sulineq ilisimatusarnerlu nutaaliasoq aanaveersaanermilu periaatsit atorlugit suliaq inuiaqatigiit kingornussaannik sulii annertunerusumik ataqatigiilersitsimavoq.

[Antwerpen-ip Kommuneqarfiata Allaffia, BELGIA](#)

Antwerpen-ip kommuneqarfiata allaffiata iluarsarnerqarnera illoqarfimmi naalakkersuinermi allaffissornermilu qiterpiaata ingerlanneqarneranik patajaallisaavoq. Ataatsimut isiginnissinnaaneq teknikkilu nutaaliaasoq atorlugu suliaq tamatuma tamanut ammarneqarneratigut piujuannartitsinermillu pitsanngorsaapput, kiisalu UNESCO-mi kulturikkut kingornussat allattuiffianni renæssance-p ilisarnaataanik siunissami kinguaariinnut tammatsaalineqarluni.

[Hotel Solvay, Bruxelles, BELGIA](#)

Bruxellimi Hôtel Solvay-Imik iluarsaanermi, ilisarnaasiaq jugendstil malillugu Victor Horta-mit napparneqarsimasooq, sananeqarneranut hotelillu ussiinneranut atatillugu ajornartorsiutit annertuut aqqinneqarput. Assassorluni suliaq teknikkikkullu isumassarsiorneq atorlugit suliami matumani Europami kulturikkut kingornussat tammatsaaliornernannik piujuannartitsinerlu siunertaralugu aserfallattaaliunermi periaatsimik tatiginartumik neqeroorneruvoq.

[Nicosiap kommuneqarfiata niuffaffitoqaa, CYPERNI](#)

Suliami matumani Nicosiap kommuneqarfiata niuffaffitoqaa uummarteqqinneqarpoq Buffer Zone-nillu eqqaani 1960’kut ingerlanerani modernismi malillugu ilisarnaasiamik allannortitsilluni, taamaallunilu niuffaffitoqaaq innuttaasunut nutaaliornermik paarlaaqatigiinnermillu qitiusunngortillugu. Eqiteruffik nutaaq AGORA nunap

¹ Ajugaasut nunat tunngavigalugit naqqinnerit tulleriarlugit suliarineqarsimapput

sajuttarneranut isumannaallisarnikuuvooq aammalu akuutitsisussatut ilusilersorneqarsimalluni Cypnimilu inuiaqatigiit akornanni illoqarfimmik nutarterinermik suleqatigiinnermillu ikorfartuisuulluni.

[Kambonip Oqaluttuarisanera Illuliaq 1615-meersoq, GRÆKENLANDI](#)

Kombones 1615, tassaavoq Naxos-ip qeqertaani venetiamiut illuat napasulialik privatimik iluarsarneqarsimasooq, illunillu titartaasarnermi, naasorissaanermi kulturikkullu kingornussanik ukiunik untritolinnik tallimanik pisoqaassusilimmik tammatsaaliornervoq. Teknikkikkut ileqqutoq atorlugu suliap matuma piujuaannartitsinermik, assassorluni sulinermik aamma peqatigiinnermik, Europamilu nunaannarmi kulturikkut kingornussatigut nutarterinermik aqutsinermi periusissamik pilersitsiniarnermi akulerutsitsivoq.

[EC1 I Łódź – Illoqarfik kulturikkut eqiteruffiusoq, POLENI](#)

Łódź-imi EC1 oqaluttuarisaanikkut nukittorsaaffittut inissisimanerminit kulturikkut uummaarissunngorlugu ilinniartitaanikkullu eqiteruffittut allanngortinneqarpoq. Katersugaasivinnik, qitiusumik ilisimatusarfinnik, filmertarfinnik inuillu katersuuffigisiinnaasaannik pilersitsinermi Europami sumi tamani suliffissuarqarnikkut kingornussamik pilersitseqqiniarnermi periusissatsialammik EC1 periarfissiivoq.

[Peniche-p pallittaalisaa – akerliussutsimut kiffaangissusermullu nuna tamakkerlugu katersugaasivissuaq, PORTUGALI](#)

Peniche-p pallittaalisaa, Portugalimi kisermaassilluni naalakkersuisoqarnerup nalaani politikikkut paarnaarussiiviit pingaarnersaat, maannakkut akerliussutsimut kiffaangissusermullu nuna tamakkerlugu katersugaasivissuut atornerqarpoq. Peqqissaartumik naleqqussaanertigut inuiaqatigiillu peqataatinneqarnerisigut sumiiffup qanga pisimasunik sakkortuumik ataqqinninnermik ersersitsivoq, kiisalu pulaartut kiffanngiussut demokratioillu nalinginik peqataatillugit.

[Puerta de Alcalá, Madrid, SPANIA](#)

Puerta de Alcalá-p iluarsaanneqarnera – Madrid-imut ilisarnaat UNESCO-Ilu nunarsuarmioqatigiinnut kingornussassanngortitat allattorsimaffianut ilaasoq – pisortatigoortumik pilersaarusiarni annertoorujussuarni assassorluni sulineq ilisimatusarlunilu misissueqqissaarneq atorlugu ataqatigiissinneqarput, taamatullu isertuannnginnissaq, ilisimatusarneq innuttaasullu peqataatinneqarnissaat eqqarsaatigalit najoqqutassanik nutaanik pilersitsilluni.

Immikkoortoq: Ilisimatusarneq

[Pilersaarusiaq Heritage Trees, BELGIA](#)

Ilisimatusarnermik suliniummi matumani Flandern-imi orpissuit kinguaavinik naatitsineq pinngoqqaatit tunngavigalugit kulturikkullu kingornussamik illersuineruvoq. Inuiaqatigiinnut akuliusimaneq, ilinniartitaaneq tammatsaaliornermilu periaatsit ulluinnarni atornerqalernerisigut kulturikkut kingornussap tammatsaaliornissaanik, uumassusillit assigiinngissitaarnerat silallu pissusianik suliniuteqarneq periutsimik atornerqalersinnaasumik pilersitsivoq.

[Odeuropa, HOLLANDI / FRANKRIGI / TYSKLANDI / ITALIA / SLOVENIA / TULUIT NUNAAT](#)

Odeuropa-mi piffissami 1600-mit 1920-ip tungaanut europamiut kingornussaanni tipip pingaaruteqarnera misissorneqarpoq. Silassorissuuseq, oqaluttuarisaanermi paasissutissat tunngaviusut suleqatigiinnermillu sakkut atorlugit ilisimatusarsarluni pilersaarusiap matuma periaatsinik nutaanik, oqaatsinik aammalu sungiusaatissanik pilersitsivoq, kingornussarlu tipimik tunngaveqartoq kulturikkut nunap assinganut katassinnaajunnarlugu inissillugu.

[Sermip ningimarnganik itsarnisarsiorluni pilersaarusiaq – Sermip toqqortai, NORGI](#)

Secrets of the Ice tassaavoq Norgemi, Innlandet fylke-ani ilisimatusarnermi pilersaarut aqutissiuisooq, assassorluni pilersitanik 4.500-nik qulaajaasoq – taakku nunarsuarni sermit ningimarngini itsarnisarsiornermi nassaataffarai. Ilisimatusarnerikkut isumassarsiullaqqinneq, periaatsinik ilinniarneq, ilinniartitaaneq inunnillu akuleriitsitsineq ataqatigiissillugit qatsissorujussuarni itsarnisarsiornermi silap allanngoriartornerata sunniutaanik annertusiartuinnartunik erseqqissaavoq.

[IS-LE: Islamic Legacy, Europa tamakkerlugu pilersaarut SPANIAMI aqunneqartoq](#)

Ilisimatusarnermik pilersaarusiap matuma suliffeqarfiit 80-it sinnerlugit nunanit 40-nik ilaasortaqaqtup, Europami aamma Akullersuup nalaani islam aallavigalugu kingornussamik ilisimatusarnermik allanngortitsivoq.

Ilisimatusarnikkut suleqatigiinnikkut, ilinniartitaanikkut ilinniartitaanermilu kikkunnik tamanit atorussat atornewarsinnaasut iluaqutigalugit ilisimatusarnermi pissusetoqqanik imminnut atassuteqanngitsunik qilarsuivoq ataatsimullu isigalugu ilinniagartuunut, politikikkut aalajangiisartunut inuiaqatigiinnullu oqaluttuanik nutaanik siuarsaalluni.

Immikkoortoq: Ilinniartitaaneq, sungiusarnej & piginnaasat

[Kulturikkut kingornussat iluani kajumissuseq naapertorlugu iliuuseqartartunut europamiunut pilersaarut. TYSKLANDI](#)

Pikkorissarnerit tamakku Europami sumi tamani kulturikkut kingornussaqaqfinni ingerlanneqartarput nunarsuarmilu nunanit assigiinngitsunit peqataaffineqartarlutik. Ilinniartitsinermit pilersaarut sapinngisamik aningaasartuutit minnerpaatinniarlugit politikkimullu attuumassuteqarani aaqquissuussaavoq, kinguariit kulturillu akornanni ataqatigiilersitsivoq, sumiiffinnik sumiginnakkanik uummarsaasuvoq kulturikkut kingornussanik assessorluni inuiaqatigiit aallaavigalugit suliaqarnerup pingaaruteqarneranik takutitsilluni.

[Pilersaarut "Saber Fazer", PORTUGALI](#)

"Sabre Fazer" tassaavoq assessorluni sulinerup piginnaasanillu illersuinermit Portugalip nuna tamakkerlugu periusissiaa. Illoqarfiit aamma nunaannap akornanni assigiinngissutinik ataqatigiissitsinerulernikkut ilisimasanik ingerlatseqqittarnermik, piujuaannartitsinermit– siuaasallu sakkussioriaasiannik kulturikkut aningaasarsiorinnikkullu akiusinnaassutsimik allanngortitsinermit siuarsaasuvoq.

[ASTRA, Ingerlatanik nunallu iluani qitiusumik ingerlatsivik, Sibiu, RUMÆNIA](#)

Sibiumi ASTRA Centerip ukiut akulliit nalaanni nalliuttorsiorarfik ilinniartitaanikkut-, qulaajaanermi- aamma kulturikkut eqiteriffittut uummarsaqqippaat. Isumassarsiullaqqissunik suleqateqarnikkut assessorluni suliat nersorneqarnissaat, assessorluni pikkorissartitsinerit aammalu kingornussat, ilinniartitaanerup aamma inuiaqatigiinnut tungasunut akiusinnaassutsimik ataqatigiilersitsinermit nunagisamilu eqiteruffittut assersuutissamik pilersitsivoq.

[Pro Ponumenta – Eqqaassutissanik pinaveersaartitsilluni aserfallattaaliuineq, SLOVAKIA](#)

Pro Monumenta inuiaqatigiinni ataatsimoorluni suliniutaavoq, illut kingornussat piujuaannartitsineq tunngavigalugu aserfallattaliornissaannik tapersersuisoq. Nakkutilliinikkut, assessorluni sulinermit sungiusartitsineq inuillu aallussineratigut takutinneqarpoq, qanoq pilertortumik iliuuseqarnej pitsaasumillu aserfallattaaliuineq aningaasartuutitigut annikillisaasoqarsinnaasoq tammatsaaliuinerullu kingunerinik pitsaanerulersitsinnaasoq.

Immikkoortoq: Innuttaasunik peqataasitsineq aamma misigisimalersitsineq

[Sapinngisamik Bedechka-mik illersuineq, Stara Zagora, BULGARIA](#)

Stara Zagorami Bedechkap-naatsivissua, ineriartortitsinissanik pilersaarutinit arlalinnik assortuussutaasunik navianartorsiorinneqartoq, uumassusillit kulturikkullu tammatsaaliuinermit ilisarnaataalersimavoq inuiaqatigiinnit ingerlanneqartoq. Innuttaasunit illersorneqarluni ingerlatsinikkut nutaaliorlunilu suliniuteqartoqarneratigut Bulgariami nunami eqqumiitsuliornermit kulturikkullu kingornussatut naatsivissuannngortinneqartut siullersaraat.

[Baltic Sea \(Østersø\) 3D Wrecksite Ontology, FINLANDI](#)

Suliniut Baltic Sea (Østersø) 3D Ontology tassaavoq nunarsuarmi assit atorlugit uuttortaalluni 3D-nik assililiat katersukkat kikkunnit tamanit isiginnaarneqarsinnaasut annersaat. Piumassuseq naapertorlugu kajumigisaqartuinnarnit ingerlanneqarpoq aammalu digitali atorlugu kikkunnit tamanit iserfigineqarsinnaavoq, Finlandimilu nunanilu allani kulturikkut kingornussaqaassutsimik, ilimatusarnermit aammalu pinngortitaaq eriagalugu aqartartuunermik siuarsaasuvoq.

[Notre-Dame de Paris-ip Iluarsarneqarnera Pillugu Paasisitsiniaaneq, FRANKRIGI](#)

Notre-Dame de Paris-ip iluarsarneqarnera annertooujussuaq internetikkut paasisutissat assigiinngitsut atornewarneratigut, inuit attaveqarfiitigut, saqqummersitsinikkut aamma ilinniusiornikkut inunnut milliunilippassuarnut anngussimavoq. Iluarsarneqarnera assersorneqaraluarluni qanillattorneqarsinnaanngornera, suliap matuma kulturikkut kingornussamut atatillugu kikkunnik tamanik peqataatitsilersimavoq

iluarsarneqarneratalu ingerlanerani assessorluni sulinerup assigiinngissitaarneranik qanorlu pingaartigineranik annertunerusumik misigisimalersitsisimalluni.

[Tunissuteqarnissamik suliniut "Ukrainimiut kulturiat illersuutissaqanngilaq", LITAUEN / UKRAINE](#)

Litaunimiut tunissuteqarnissamik suliniutaat "Ukrainimiut kulturiat illersuutissaqanngilaq" ukrainimiut katersugaasiviinut, maannakkut sorsunnermik nalaanneqarsimasut iluarsaanneqarnissaat siunertarlugu atortussanik pingaaruteqartunik pilersuinermit inuit tapersuinnissaannik aaqqissuussisimavoq. Suliniummi matumani ajornartoorsimaffiulluinnartuni ikioqatigiinnermik, inuiaat akornanni suleqatigiinnermik kulturikkullu kingornussanik pimorullugu illersuinissamik siuarsaasuuvuq.

[Malopolska Culture Heritage Days, POLENI](#)

Ukiut qulikkuutaat marluk sinnerlugit Malopolska Culture Heritage Days isikkivinnit nutaanit kulturikkut kingornussanik paasiniaannissaq siunertarlugu illoqarfimmi najugaqartunik takornarianillu qaaqqusisarsimapput. Ukiukkuutaartumik sammisassanik assigiinngitsunik aaqqissuussinertigut kiisalu filmit, ilisimatusarneq internetilu atorlugit pisimasup nuannarineqaqisup Polenimi Maloposkap immikkoortortaani kulturikkut kingornussanik assigiinngitsorpassuarnik pisuunngortitsisimavoq.

[Almalaguês – Nalitsinni assilialiorluni ikaartitikkani siunissamik ikaartiterineq, Coimbra, PORTUGALI](#)

Suliap matuma Portugalimi illoqarfeeqqami Almalaguês-imi ikaartiterilluni ileqqutoqqat uummartitseqqissimavai najukkamilu inuiaqatigiinnik kinguaarinnillu inuusunnerusunik workshopertitsinikkut, ilisimatusarnikkut kulturikkullu aaqqissuussinertigut soqutiginnersitsimalluni. Kinguaariit akunnerminni oqaloqatigiittarnerannik siuarsaasimavoq siuaasallu ilisimasaannik piginnittuaannarnissaq isumannaarsimallugu.

["Ilaqutsip angerlarsimaffia - Nunarsuarmik najoruminarnerusumik nassaarsiorneq", SERBIA](#)

Suliniutip "Ilaqutsip angerlarsimaffia - Nunarsuarmik najoruminarnerusumik nassaarsiorneq" meeqqanut taalliaq nuannarineqaqisoq meeqqat minikinerusut ilinniartullu suleqatigiinneratigut nutarterneqarpoq, kinguaariillu akimorlugit oqaloqatigiinnermik kikkullu tamarmik peqataatinneqarnissaannik siuarsaasuullunni. Serbiami sumi tamani allanilu angerlasimaffinnut, inuiaqatigiinnut peqatigiillunilu eqqaamasanik utersaartitsilluni.

[Casa Batlló: Nunarsuarmiogatigiinnut kingornussassanngortitani suliagarnermi inuit allaassuseqartunik peqataatitsineq, Barcelona, SPANIA](#)

Barcelonami Casa Batlló-mi tamanut ammasunut katersugaasivinni inunnik ataasiakkaanik timimi piginnaasamikkut allaassuseqartunik sulisutut akuliutsitsinermit aqutissiuisuusimavoq. Kattuffik immikkut ilisimasalik suleqatigalugu katersugaasiviup atorfinitsitsinermit periaaseq aaqqissuulluagaq ineriartortissimavaa, tamannalu kulturikkut kingornussanik immikkoortortaqaqfinni akuliutsitsinermit ileqquliunneqarsimavoq.

[Kikkut Tamarmik Festivaliat, Kiev, UKRAINE](#)

Kikkut Tamarmik Festival-ip ukiut tamaasa kulturikkut kingornussanut tunngasunik suliqaartunik Ukraini sumi tamani aggersunik meeqqat inuusuttuaqqallu peqataatinniarlugit suleqataalluni aaqqissuussinerit, workshop-it aammalu ilinniartitaanikkut aaqqissuussinerit iluaqutigalugit katersortarpari. Maannakkut sorsunnermut atatillugu unammilligassat eqqarsaatigalugit kulturikkut akiuussinnaassusermik, inuttut akuliutsitsinermit sulinermitu pisinnaasanik siuarsaasuuvuq.

Immikkoortoq: Kulturikkut eriagisassanik nersornaasiinermi ajugaasut

[Prof. em. Peter Latz, TYSKLANDI](#)

Peter Latz Europami suliffissuaqarnikkut kingornussanik nunaminertanilu sanaartornikkut maligassiuisuuvuq. Pingaaruteqartunik suliniuteqarnikkut, allaaserinninnikkut oqaaseqartartutullu suliagarnermigut oqaluttuarisaaneq, pinngortitaq ilusilersuinerlu aqutigalugit suliffissuaqarnerup kingorna nunaminertanik kulturikkut inuiaqatigiinnullu tunngasunik nutarterinermit sumiiffittut qanoq allannngortinneqarsinnaanerit ersersippaa.

[Inge Bisgaard, KALAALLIT NUNAAT / DANMARKI](#)

Inge Bisgaard-ip tunniusimalluni ilungersorlunilu aalajangersimasumik anguniaqarluni sulinermini Kalaallit Nunaanni illuliornermi kingornussat tammatsaaliornissaat anguniarpaa. Katersugaasiviup avataani aqutissiuisutut sulinermigut, periusissanik ineriartortitsinikkut aamma inuiaqatigiinnik oqaloqateqarnikkut 1900-kkunneersunik ileqqoq malillugu qisunnik illuliat aamma kulturikkut kingornussat pigiinnarnissaat

sulissutigisimavaa – nunamilu nammineq allanngutsaaliuineri periusissiornermi, ilisimatusarnermik, sanaartormik aamma kulturikkut kinaassutsimik ataqatigiilersitsisumik.

2025-mi Europa Nostra-p nersornaasiinerani ajugaasut.

Ukiok manna ajugaasut akornanni pingasut nunanit EU’p [Creative Europe](#) programme-mut ilaasortaanngitsunit aggerput, tassalu The Holy See (Pavip Issiavia), Moldova, Tuluillu Nunaat. Ajugaasut taakku Europa Nostra-p nersornaataanik pissarsipput, taakkulu Europarâdimi nunani tamani kulturikkut kingornussassanut atatillugu pasisimanninnermik kattuffiup suleqataarusunneranik tarrarsortitsivoq.

[The Camellia House, Wentworth Woodhouse, TULUIT NUNAAT](#) (Immikkoortoq: Tammatsaaliuineq aamma atoqqiineq nalimmassarneqarsinnaasoq)

Wentworth Woodhousemi Camellia House, ukiuni 50-ini inoqarsimangitsiq, inunnut sutorniartarfittut kulturikkullu kingornussateqarfittut allanngortiterneqarsimavoq. Allanngortiternerani naasut kameliat qaqutigooortut illersorneqarput aammalu tassunga peqatigitillugu South Yorkshiremi piujuartitsineri, inuiaqatigiinnik peqataatitsineri, ilinniartitaanerik ornigarneqarsinnaanerannullu siuarsaasuulluni.

[Vatikanimi Fabric of Sankt Peter eqqumiitsuliornermik assassornermillu ilinniarfik, PAAVIP ISSIAVIA](#) (Immikkoortoq: Ilinniartitaaneq, Sungiusarnek & Piginnaasat)

Eqqumiitsuliornermi assassornermillu ilinniarfik, Fabric of Saint Peter-imit aamma Fratelli tutti Foundation-imit tunngavilerneqarsimasoq, inuusuttunut assassornermik kulturikkut kingornussanik ulloq naallugu, akeqanngitsumik ilinniarnermik neqerooruteqarpoq. Pissusitoqqanik untritolinnik arlalinnik pisoqaassuseqartunik pilersitseqqittuuvooq, tassungalu peqatigitillugu Vatikanip qeqqani ataatsimoornermik, anersaakkut ineriartormik assassornermillu ilisimasanik siuarsaasuulluni.

[Varvara Buzilă, MOLDOVA](#) (Immikkoortoq: Kulturikkut kingornussanik nersornaasineri ajugaasut)

Varvara Buzilă-p inuunermini ukiut 45-t sinnerlugit Moldovap kulturikkut kingornussassanik tigussaangitsunik illersuineq ilungersorluni tunniusimallunilu ingerlassivaa. Moldovami sumiiffinnilu allani ilisimatusarnikkut, inatsitigut, ilinniartitaanikkut inunnillu akulerutsitsinertigut inuiaqatigiittut misigisimanerik allanngortitsisimavoq nunanilu tamalaani nersugaalersimalluni kulturikkullu kinaassutsimik misigisimanerik ingerlatitseqqinnermilu siuuttut ilagilersimallugu.

2002-mili Europami kulturikkut kingornussanut tunngasunik paasisimanninnermik takutitsisarnerneq

[Europami kulturikkut kingornussat pillugit nersornaat/Europa Nostra-nersornaat](#) Europa-Kommissionimit 2002-mi aallartinneqarpoq aammalu taamanikkulli Europa Nostramit ingerlanneqartarsimalluni. Ukiuni 23-ni nersornaasiisarnerit Europami kulturikkut, inuiaqatigiissutsikkut, aningaasarsiornikkut aamma avatangiisitigut kulturikkut kingornussat nalerpassuisa akuersaarnissaannut siuarsarnissaanullu sakkuusimapput pingaartut.

Nersornaasiinerit Europami kulturikkut kingornussanik paasisimanninnermik erseqqissaasimapput paasisutissiillutillu, ilisimasanillu killissanik qaangiilluni paarlaaqatigiinnissamut ilaliisimallutik kiisalu kulturikkut kingornussanik sammisaqartunik siammasinnerusumik ataqatigiilersitsisimallutik. Nersornaasiinerit ajugaasunut annertuumik iluaqutaasimapput, soorlu nunani tamalaani nunagisamilu saqquminerulernerik, annertunerusumik aningaasaliiffiqarnermik pulaartartullu amerlatsinnerannik. Kiisalu nersornaasiinerit Europami innuttaasut akornanni ataatsimoorluta kingornussatta paarilluarnenissaanut illersuisuusimapput. Nersornaasiinerit pillugit annertunerusumik paasisutissanik kisitsisinillu pissarniaruit, [nersornaasiisarnermi nittartagaq](#) inussiarnersumik misissoqqarput.

2026-mi nersornaasiinissamut peqataarusuttunut ilanngussinissaq ammavoq. Annertunerusumik paasisaqarusukkuut www.europeheritageawards.eu iserfigiuk, kingusinnerpaamillu 9. september 2025 qinnuteqaatit internettikkut nassiuguk.

TUSAGASSIORTUT ATTAVISSAT

EUROPA NOSTRA

Elena Bianchi, Nersornaasisarnermik aqutsisoq
eb@europanostra.org,
+31 6 26 89 30 72
Joana Pinheiro, Attaveqaateqarnermut siunnersorti
jp@europanostra.org
+31 6 34 36 59 85

EUROPA KOMMISSIONEN

Eva Hrnčirova
eva.hrnčirova@ec.europa.eu
+32 2 298 84 33

PAASISAQARNERORUSUKKUIT

[Tusagassiuutitut nalunaarutit oqaatsit assigiinngutsit](#)

Nersornaserneqartut pillugit:

[Paasisutissat aamma Naliliisartut oqaaseqaataat](#)

[Video-t](#) (erseqqissut)

[Assit & e-bannerit](#) (erseqqissut)

[Creative Europe website](#)

Tunngaviumik paasisutissat

Europa Nostra

[Europa Nostra](#) Europami innuttaasut niperaat, kulturikkut pinngortitamilu kingornussaat illersornissannik aallussisoq. Europami nunat tamarmik kulturikkut kingornussat pillugit naalakkersuinikkut attuumassuteqanngitsumik suliniaqatigiiffigaat, pisortaqaqfinnit assigiinngitsunit, suliffeqarfinnit namminersortunit inunnillu ataasiakkaanit nunani 40 sinnerlugit amerlassuseqartuni siammasissumik ataqatigiiaanit tapersersorneqartoq. Europami kulturikkut kingornussat pillugit suleqatigiiffiit annersaraat nuumanersaralugulu, kiisalu EU-mik, Europaråd-mik, UNESCO-mik nunanilu allani suliniaqatigiiffinnik qanimut attaveqartoq. Europa Nostra 1963-mi tunngavilerneqarsimavoq 2023-milu ukiut 60-inngorlugit nalliuttorsiorluni.

Europa Nostra Europami eqqaassutissat, sumiiffiit nunaminertallu navianartorsiorlut annaanniarlugit sorsuppoq, ingammik [iliusissat navianartorsiornerpaat 7-it](#) aqutugalugit. [European Heritage Awards/Europa Nostra Awards](#) aqutugalugu paasisimasannik nalliussisarpoq paasisitsiniaallunilu. Europa Nostra kulturikkut kingornussat pillugit europamiut periusissiaannik politikkiannillu aalajangersaanermi piviusunngortitsinermilu EU-mi suliffeqarfiit peqataatitaqartillugit oqaloqatigiinnikkut [europamiullu kulturikkut kingornussat pillugit peqatigiiffiannik aqutsinikkut pimoorussilluni suleqataasarpoq](#).

Europa Nostrap europamiut suleqatigiiffiat siulersorsimavaa, Europa-Kommissionip aallarnisaataasumik suliniummik [European Heritage Hub](#) (2023-2025)-mik aqutsisussatut toqqarneqarsimasoq. Aamma europamiut suliniutaannik [Bauhaus-initiativimik](#) taaguuteqartumi suleqataavoq, taannalu Europa-Kommissionimit ineriartortinneqarsimavoq, kiisalu [Climate Heritage Network](#)-imik europamiut akornanni ilasortat nuumanersaraat tapersersuisuulluni.

Europa Pilersitsinnaasoq

[Europa Pilersitsinnaasoq](#) tassaavoq EU-p pilersaarutaasa pingaarnersaat, kulturikkut pilersitsillaqqissunillu tapersersuisussa, uuma ataani kulturikkut kingornussat, kiisalu Europami inuiaqatigiinnut, aningaasarsiornikkut avatangiisillu uummaarissut annertunerusumik tapersersuilernissaannik aqutissiuisoq. Piffissami 2021-2027-mi anigaasaliissutissat 2,4 mia. € amerlassuseqartut atorlugit kulturikkut kingornussat, isiginnaartitsisarnernup, assilialionernup, tapertariissilluni eqqumiitsulionernup, atuakkanik saqqummersitsinernup, filmilionernup, tv-kut isiginnaagaassilialionernup, nipilersornerup aamma videospiliortartut iluanni kiisalu eqqumiitsuliortunik, kulturikkut tusarnagassiorartunik isiginnaagassiorartunillu titusintilikkuutaartunik tapiisarpoq.